

մինչդեռ նույն վայրից հայտնաբերվել են անտիկ ժամանակաշրջանի հարստարապետական բեկորներ: Քաղաքի կենտրոնական թաղում բացվել են հնագույն կաթոլիկոսարանի ավերակները: Նրա միջուկն էր հանդիսանում սյունադարձ մեծ զահլիճը, որտեղ պահպանվել են մոնումենտալ խարխուլներ: Պալատը, կառուցված լինելով V դարի 70-ական թթ., գոյություն է ունեցել մինչև VI դարի 70-ական թթ.: VII դարի առաջին տասնամյակներում, կաթոլիկ եկեղեցու կառուցման ժամանակ, պալատի ավերակների տեղը վեր է ածվել շինարարական հրապարակի, իսկ IX դարում այդ տարածքը ինտենսիվ կերպով կառուցապատվել է: Միջնաբերդի ստորին մասում պեղվել է ամրոցի մի փոքր հատված, որը երկու կողմից կառուցապատված է եղել XII—XIII դդ. շենքերով: Այստեղ հայտնաբերվել են բազմաթիվ առարկաներ, զրամներ:

ՀԱՅԷ ԳԱ թղթակից անդամ Ա. Ա. Կասաբյանի և Ա. Ա. Քալանթարյանի «Ապակու արտադրության հետքեր վաղ միջնադարյան Դվինում» զեկուցումը նվիրված էր Հայաստանի այդ ժամանակաշրջանի արհեստի կարևոր ճյուղերից մեկին: Կենտրոնական թաղամասում V—VI դդ. կաթոլիկոսական պալատի տեղում հայտնաբերվել են VII դարի ապակեգործական արհեստանոցի հետքեր: Այստեղ գտնվել են աղյուսակառարաններ, ապակե անոթների խոտան, ապակե զանգվածների բեկորներ, լուսամուտի ապակիներ, հալոցներ և այլն: Հայտնաբերված ապակու բիմիական և սպեկտրալ անալիզները ցույց են տալիս, որ այն արտադրվել է սույն արհեստանոցում, տեղական հումքի «գոտագործ» մամբ:

Նրեք զեկուցում նվիրված էր Դվինի առանձին տեղամասերի պեղումներով բացահայտված համալիրներին, առարկաների առանձին խմբերին: Ա. Ա. Ժամկոչյանի զեկուցումը ներկայացրեց Դվինի ստորին բերդի պեղումները: Ֆ. Ս. Բարսյանը պատմեց ստորին բերդում բացված արտադրական համալիրի մասին: Ն. Գ. Հակոբյանը հրապարակեց Դվինում վերջին տարիների

պեղումներից հայտնաբերված մետաղե առարկաների հարուստ ժողովածուն:

Ս. Վ. Հաբուրյանյանի զեկուցումը նվիրված էր Մարմաշենի պեղումներին և, հատկապես, այստեղ գտնված միջնադարյան երկու ամրոցների ուսումնասիրությանը: Մարմաշենի ձորում մշակույթի վաղագույն հուշարձանները թվագրվում են մ. թ. ա. III հազարամյակով, սակայն այդ շրջանի բնակավայրերի ծաղկման ժամանակաշրջանը միջնադարն է: Հայտնաբերվել են վաղ միջնադարյան երկու փոքր եկեղեցիներ և մի քանի ուրիշ եկեղեցիներ, որոնք թվագրվում են X—XII դդ.: Առավել ուշագրավ են X դարում կառուցված Վահրամաբերդ և Տիրաշեն ամրոցները, որոնք հյուսիսից պաշտպանում էին Անի մայրաքաղաքը: Դրանք սկզբունքորեն միատիպ կառույցներ են, որոնց հատակագծային լուծումը նորոթյուն է միջնադարյան ամրոցաշինության պատմության մեջ:

Միջնադարյան Հայաստանի վանական համալիրների ուսումնասիրությունը սերտորեն կապված է վիմագրական հետազոտությունների հետ: Գ. Մ. Գրիգորյանը, հանդես գալով «Վահանավանքի դամբարանատան նորահայտ արձանագրությունները» զեկուցումով, վիմագիր նյութեր հրապարակեց Սյունիքի XI դարի հոգևոր մշակույթի այս կարևոր օջախի պեղումներից: Հայտնաբերված արձանագրություններում հիշատակված են Սյունիքի և Աղվանքի նշանավոր գործիչների անուններ, նրանց կյանքին ու գործունեությանը վերաբերող տարեթվեր: Գ. Գ. Սարգսյանի զեկուցումը նվիրված էր մինչև այժմ մասնագետների կողմից չուսումնասիրված Գհուկի վանքի արձանագրություններին (վանքը գտնվում է Հրադղանի շրջանի Արդական գյուղից 3—4 կմ հյուսիս): Վանքի գործունեության շրջանը, ըստ զեկուցողի, տևել է XIII դարի սկզբից մինչև XIV դարի կեսերը: Բազմազան և հետաքրքիր բովանդակությամբ արձանագրությունները պահպանել են նաև վանքի իսկական անունը՝ Բոլորահաղ:

Գ. ԱՐԵՇՅԱՆ

ՄԻՋՆԱԴԱՐՅԱՆ ԵՐԴԱՐՎԵՍԻ ԵՐԿՈՒ ՆՈՐԱՀԱՅՏ ԲԵԿՈՐ

Հայ միջնադարյան երաժշտական մշակույթի զգալի մասը հասել է մեզ բանավոր և գրավոր ավանդույթի շնորհիվ, պահպանվել հայ արվեստի և գիտության երախտավորների ջանքերով: Միջնադարյան երգարվեստի բազում նմուշներ այսօր էլ պահպանողական հաճույք են պատճառում, գրավում են հայ կոմպոզիտորներ-

րից շատերի ուշադրությունը, յուրատեսակ արտահայտություն գտնելով նրանց ստեղծագործության մեջ:

Սակայն այդ նմուշների առավել զգալի մասը ցրված է աշխարհով մեկ կամ կորսված է ու մոռացված: Երբեմն միայն, դեպքից դեպք, մեզ են հասնում այդ մշակույթի առանձին պատա-

Պաշտպան $\text{♩} = 63 \text{ մ.մ.}$

Օրհ-նեալ է Աստ- նած զով-եալ է
 Աստ- նած, փա-ռա-ւոր-եալ է
 Աստ- նած, Ով բա-րի քրիս-տո-
 շեալք (յբ) ե-կայք ի Սուրբ ե-կե-ղե-ցի

Նկար 1

Զափաշոր $\text{♩} = 70 \text{ մ.մ.}$

Օրհ-նեալ է Աստ- նած զով-եալ է Աստ- նած
 փա-ռա-ւոր-եալ է Աստ- նած Ա-ռա-ւոր-
 -եալք լոյսն է ծա- րեւ
 Ո-ր-հ-ն-ա-ւոր-եալք զուսն է բաց- Վեւ Ով բա-րի
 քրիս-տո- շեալք ե-կայք ի Սուրբ ե-կե-ղե-ցի

Նկար 2

աիկներ, որոնք գալիս են լրացնելու մեր դիտելիքներն ու պատկերացումները հայ ժողովրդի գեղարվեստական ավանդույթների մասին:

Այդ իսկ պատճառով որոշակի հետաքրքրություն են ներկայացնում մեզանում մինչ այժմ անհայտ երկու հինավուրց երգ, որոնք իրենց բնույթով ծիսական են և, հավանաբար, ուշ միջնադարի ծնունդ են: Դրանք, ըստ Երուսաղեմի Ս. Հակոբյանց վանքի միաբանության անդամ Կյուրեղ եպիսկոպոսի պատմածի (որից ձայնագրված են երգերը), ժամկոշական երգեր են, որ մինչև վերջերս կատարվելիս են եղել Երուսաղեմում, տոնական օրերին, առավոտյան ժամը շորսին, ժամերգությունից առաջ: Այս երգերը կատարում էր ծեր ժամկոշ հորերը:

Հարկ է նշել, որ ժամկոշական երգեցողության ավանդույթը չի պահպանվել Արևելյան Հայաստանի տարածքի վրա: Ըստ երևույթին, այն ավելի հատուկ է եղել Արևմտյան Հայաստանում, որտեղից և հասել է Երուսաղեմ:

Առաջին երգը հոգևոր երգարվեստի մի նմուշ է (տե՛ս նկար 1): Այն կրում է ասկետականության, խիստ և զուսպ գեղեցկության դրոշմը և առավել մոտ է շարականներին: Երաժշտական միտքը կենտրոնացված է մեկ արտահայտիչ եղանակի մեջ, որը հետագայում, հիմքում մնալով անփոփոխ, լրացվում է ձայնադարձումներով, լադի հենակետերի տարբեր շեշտումներով, նրա ներքին ոլորտների աստիճանական ներգրավումով, որն ընկալվում է իբրև մի նոր էական էմոցիոնալ-իմաստային տեղաշարժ: Հատկանշական է ավարտական մասը, որն ինտոնացիոն առումով ընդհանրացնում է ամբողջ երգը: Ունենալով յուրահատուկ կառուցվածք՝ դադարներով մեկուսացված, կարծես միանման դարձվածքների շղթա, երգը շարադրվում, զարգանում է նրանց տարբերակների հաջորդմամբ, որոնք ամեն անգամ նորանոր երանգավորում են հաղորդում հիմնական երաժշտական մտքին: Ողջ երաժշտական հյուսվածքը աչքի է ընկնում շատ զդայուն և շարժուն ութմական նկարագրով: Նման ենթատեքստում ձայնադարձումը հաճախակի ստանում է ինքնուրույն ութմական միավորների նշանակություն: Երգը ծավալվում

է երկակի լադում (ըստ Քուշնարյանի բնորոշման), այն տարբերությամբ, որ նրա ավարտական մասում ակներև է լադային շեղման տարրը: Դա յուրօրինակ լուսավորում, հաստատական բնույթ է հաղորդում եզրափակող դարձվածքներին, ուժեղացնելով կտորի ընդհանուր արտահայտչականությունը:

Երկրորդ նմուշը (տե՛ս նկար 2) ավելի ծավալուն է, ունի եռամաս կառուցվածքին հարող հատկանիշներ:

Երգը շարադրվում է էռական լադում, միջին մասում միքսոլիդիականի բնորոշ հակադրությամբ և հետագա անցումով դեպի նախնական լադը: Առաջինի հետ այստեղ ընդհանուր են ձևակառուցման տարբերակային սկզբունքը, ձայնադարձումների առատությունը, մետրաոթմական բաղադրանքությունը: Սակայն էական տարբերություն է ցուցաբերում երգի բուն մեղեդիականության (մելոդիկայի), ինտոնացիոն նկարագրի բնույթը: Այս երգը առավել արժեքավոր է այն առումով, որ մոտ է ժողովրդական սրտառուչ, քնարական երգերին: Այսպիսի նմուշի գոյատևումը թույլ է տալիս դպալու ժողովրդական հիմքի կենսունակությունը, նրա թափանցումը հոգևոր երաժշտության ոլորտ:

Ժանրային տեսակետից այս երգերը երկակի պատկանելություն ունեն: Ժամկոշ ժողովրդական, հաճախ գեղջկական ղանգվածի ներկայացուցիչ է, և նրա դերը եկեղեցու մեջ բավական համեստ է: Իր երգեցողությամբ նա դիմում է ժողովրդին, խոսելով նրան առավել հասկանալի երաժշտական լեզվով: Այս տեսակետից բոլորովին պատահական չէ, որ երգերից մեկը հարում է շարականներին, իսկ մյուսը մոտ է հոգևոր երգարվեստի տարբեր ներառած ժողովրդական երգերի շարքին:

Հատկանշական է նաև, որ երկու երգն էլ ունեն գրեթե համանման, հավանաբար, որոշակի փուլում կանոնականացված տեքստ: Դա ևս մեկ ապացույց է, որ այս երգերը բավական խոր արմատներ ունեցող ժողովրդական հինավուրց մի ավանդույթի պատկանող նմուշներ են:

Ա. ԱՐԵՎԵՍՏԱՆ

ՆՈՐ ՆՅՈՒԹԵՐ ՀԱՅԿԱԿԱՆ ԳՈՐԳԱԳՈՐԾՈՒԹՅԱՆ ՎԵՐԱԲԵՐՅԱԼ

Հայկական գորգագործությունը ժողովրդական և կիրառական արվեստի հնագույն տաքածված ճյուղն է: Հայկական գորգը աչքի է ընկնում կենդանական, թռչնական, բուսական, նկենցադային իրերի, գործիքների, տիեզերական մարմինների և այլ ոճավորված զարդանկար-

ներով: Դրավիչ են հայկական գորգերի գույներն ու երանդները՝ կարմիր դաշտ, որի վրա մեղմ ու արտահայտիչ համադրություններով տեղադրված են այլ գույներ: Առանձնահատուկ է հայկական գորգի մակերեսի զարդանկարային հորինվածքը, շատ նկարներ նմա-